

藝文纂第八

辰州府志四十七

賜按察司銜候補道攝府事儀徵畢本恕仲言輯

七言古

漢

武溪行

伏波將軍 馬援 文淵陵

滔滔武溪一何深鳥飛不度獸不敢臨嗟哉武溪多毒

淫

元

麩金行

蔡明

淘金戶淘金大江側水深沙淺淘不得夜聞叫呼來打

辰州府志

卷四十七

藝文纂詩

一

門官司追課如追魄呼童挑燈取金看囊中祇有分毫積課多金少輸不前里胥怒嗔遭拘迫賣金買寬限金盡限轉急往來坐牀頭妻子相對泣相對泣亦徒爲輸官難再遲南莊有田尚可鬻莫教過限遭鞭笞獨不見西家賣金仍賣屋戶戶逋金猶不足明

武溪觀漲

盧溪令 王珩 半會稽

雨山倒浸雙芙蓉雲氣上與銀河通波光瀲灩漾空薄水色鏡靜潛蚪龍百尺危欄瞰華渚桃吐紅霞柳金縷東風吹浪作天花萬頃晴瀾漲香雨

秋夜虎頭巖坐月

王珩

金風吹涼桂花老水落溪空露華少高映崔巍倚碧霄
寒翻幽石生瑤草更闌斗轉星宿稀蟾宮夜冷嫦娥歸
冰封玉兔搗藥臼清光照徹秋毫微

登清浪驛望壺頭山

御史薛瑄
德温河津

沅江流來幾千里亂石束濤蹴空起急撐官航上巉崖
閒倚驛樓望山水隔江萬疊雲峰稠一峰平立名壺頭
云是伏波駐兵處至今石室留山陬憶昔炎綱斷如縷
草竊紛然據寰守寧知田牧隱奇才揮斥奸雄識眞主
西征實藉聚米忠南伐誰侔銅柱功中興諸將數籌略

辰州府志

卷四十七

藝文纂

二

直與賈鄧爭英雄老去甘向邊陲沒誓掃羣苗靜坤軸
壺頭一死非無情天遣英靈鎮南服跳梁小醜胡爲哉
竟因遺算稽顙來誰云未雪薏苡謗白璧本自無纖埃
昔於青史奇高識今日荒山覽遺蹟怒濤猶帶薄伐聲
愁雲似是忠憤積馬侯馬侯眞丈夫大器果與凡材殊
廟食勲名幾千古英風激我章句徒

烈婦行爲徐玉龍妻張戊貞作

修撰羅倫
彝正水豐

桃花巖頭春雨落夫戍邊關妾耕作桃花巖頭秋月微
夫不歸來妾搗衣人傳夫死妾不信妾心直與水相映
夫爲妾妾爲夫知夫死將何圖千秋萬歲知有無惟有

一死還吾夫

鹿泉洞

太僕卿

李

樂和
盧仲

石洞冥冥傳有仙太康之後今何年蘭香芷馥浮晴川
夾岸桃花勢欲然洞中平曠堪草元冰崖玉篠看轉研
懸泉瀉出碧漪漣聊傍春叢一繫船愧無新詞石上鐫
舉頭拍手望青天王喬叔度皆世賢百年鬱滯憑君宣
逃屋漸漸歸農田不妨乘暇窮源泉金碧靈文遺古仙
供君得意忘蹄筌

玉田歌

兵備副使

李

棟隆
盧仲

洞靈共作千邱田仙人許我種玉禾元溟之鯉牽作牛

辰州府志

卷四十七

藝文纂
詩

三

五彩之雲翻爲陀一年二種一千邱百年種過十萬多
日日鼓腹飽飡之還舒滿眼蒼生疴從渠滄海翻白浪
我有千邱終不磨江天水月隱茫茫一笑一歌一醉酞
洞靈化作白髯翁夜獻水碧謝我歌

伏波歎

辰州推官

侯加地

慶州解

將軍談論泉湧瀉鬢髮眉目眞如畫咄咄子陽井底蛙
傾心眞主圖王霸廷臣咸議葉金城將軍置吏親督耕
務開恩信總大體老子遨遊多勝情自後交趾斬徵側
璽書特下侯新息男兒終當死於邊馬革裹屍生不還
焉能臥病兒女子諒爲烈士當如此全軍覆沒五溪蠻

將軍請行天子止據鞍顧盼氣何雄天子爲稱矍鑠翁
進軍壺頭跂足望山高水疾虛無功長者家兒實可畏
西域賈僧被不諱病裏可憐印綬收沒身誰起明珠訖
事主從戎二十秋南征北伐死方休雲臺諸將芳名著
反以椒房不得與東平驚問畫圖無帝但欣欣笑不語
霍光亦是椒房親麟閣誰書第一人從來漢家少恩澤
多少功臣遭醢磔不見未央韓信頭何如穩葬城西陌
贈鄧秀才希曾搏虎活母
淑浦教諭 胡仰明
茂才豪氣軼今古爲母捐軀搏猛虎不是精誠格鬼神
可曾虎口活孀姥孟宗之竹王氏鯉董允之身郭氏子
辰州府志 卷四十七 藝文纂 四
兒與天親一體分爲親死孝應如此

懷九磯

給事 張士升 沅積陵生

結廬九磯上垂釣九磯隈所釣非釣魚釣磯生綠苔長
悲濯纓人抱石竟不回黃塵天地塞白骨魚龍催矯矯
嚴子陵千古桐江臺大命有廢興末俗爭喧豕吁嗟乎
歸去來投竿一嘯秋波開

端月西行王大參招遊玉華洞賦此紀勝

偏沅 陳睿謨 武進人

昨遊雲從終日疑今來玉華顛欲癡如何巨靈斲石骨
有此玲瓏巧復奇洞口屹然成四柱圓若有規方有矩

頂上垂垂滴露珠粉如膩水下石乳右之入戶須曲口
左之入戶梯以通端居昉老儼在上仙都法從天磨礪
懸者如幢亦如蓋或鸞青旌或白旒珠纓寶珞何繽紛
雲駢輻輳神仙會獅猊虎豹伏且蹲蛟螭龍象騰且奔
峰迴澗轉一一肖或守天門或海門矗如立者不可數
一爲鐘兮一爲鼓奮拳考擊聲不訛可金可革可匏土
玉笋參差迸地生高如乘露擎金莖崑英倒作垂蓮樣
爲華爲玉非虛名更有幽深人莫測凭欄瞰之亦變色
山僧列炬火騰薰烟光繚繞雲氤氳吾欲登臨鑿元竅
光無不耀萬象分

辰州府志

卷四十七

詩藝文纂

五

遊大酉洞

兵備

葉憲祖

美度
餘姚

家有遺書少能讀十載風塵漸枵腹常思一乞造物靈
特賜奇編豁雙目大酉名字天下奇中有藏書願見之
宦遊沅陽幸密邇道旁不顧真可嗤縣令邀予須一見
座有良朋恣歡晏時在邑米御入洞競聞流水聲垂崖亂
疊春雲片足下怪石爭崎嶇兩豎扶持不知倦幽陰一
轉一徘徊緣梯忽見青天開出至平岡暫延竚不見藏
書在何許藏書隔水水太深有門如甕穴如鼠吁嗟乎
山靈何吝書何珍顧予奚囊猶不貧

避地雲嶺

貢生

唐九官

師濟
沅

雲嶺芳名今始傳，雲嶺幽深自古然。山外幽山山外田，
杳然世外別爲天。深林鳥道無人跡，粉蝶繽紛舞如織。
石上泉香飄落花，尋幽罄日少人家。薇可採兮芝可茹，
冉冉白雲生來路。治亂紛紛似奕棋，不如且隱雲深處。
哀滇中四十九人戰死盧溪石橋 米元倜羅辰溪峰
四十九人同許國，一朝血流盧江側。江聲流血起怒濤，
增汝忠臣壯士色。忠臣壯士自古難，鍊石爲心鐵爲肝。
事急勇生過風雨，劍芒直射斗牛寒。但有死者無降者，
晶晶烈骨暴荒野。妻子思歸不得歸，冷風殘夢驚顏赭。

遊東山長隱寺

米元倜

辰州府志

卷四十七

藝文纂
詩

六

昨日扁舟江上暮，今日麻鞋山中路。往來寂寞山水間，
惟有秋風隨我渡。一峰初見一峰雲，一峰行盡一峰分。
三十六峰知幾重，插天盤地連氤氳。朝暾漸漸吐平田，
白雲片片飛上天。却驚野寺幽人臥，松頂開門聲滿山。
清泉時帶殘霜煮，茶香出林散禾黍。盡掃石牀留客眠，
風吹松雨濕庭宇。

明月池晚眺

貢生 唐之正廢陵

巖居薄暮恣幽眺，伴客清輝浮遠照。衫上梅陰露欲濡，
坐曳涼□窮晚釣。掃石林間莫便歸，空庭月來閒一嘯。

本朝

龜山歌

進士劉恂
西石谿辰

龜山之石何轟轟善卷之塚何簇簇其下洞天三十六
曾向洞前■小築從師學煮雲母粥時見仙人騎白鹿
仙人厭世歸蓬谷無復當年十間屋黃昏風打龍湫竹
洗砂橋邊水不綠鷓鴣啼罷杜鵑哭

送傅九吾邑侯還滇

教諭米元侗
同人辰谿

荒城地薄名流少民散城空聚啼鳥草根木皮食已盡
百里蕭條天地老我惟徜徉守素廬祛寒□饑只讀書
自知在世一衰朽幸有泉石供卷舒我公忽從滇南至
豁達愛人民受利高風一開酉山塵契濶欣遂平生志

辰州府志

卷四十七 藝文纂

七

丈夫意氣重千金衆人不知道愈深入官罷官皆不計
豈復榮辱嬰其心一旦南還便告別手抱琴書歷霜雪
人生自古傷遠離相逢無期更慘切珍重嶺上野猿□
又有鷓鴣當路飛日暮力疲何處宿况復春烟村落稀
相思夢魂空紛紜一樽之後兩不聞千里萬里從此去
但見馬蹄隨白雲

仙人沉香船歌

毛際可
會安遂

仙人鼓棹空中舉飛上重巖斟桂醕夜深沉醉墮巖前
忘却仙舟在何處七尺寒玉凝紫脂沉香之號爭傳□
被間似有蛟龍□月落澄潭雲交飛至今陳跡已千□

□紋蘚繡生幽彩行人日日見仙舟仙舟日見行人改
吁嗟乎化工奇譎何所無儒生尠見徒驚呼君不見昔
人鑿井逢篙楫年月猶書吳赤烏

清浪灘寄查德尹

吏部侍郎湯右曾西崖

十昔談此如秋河梢瀆撇漩險莫過中宵不寐念今日
一葉果落千盤渦驚霆過耳電過目乍勢急箭投飛梭
雷洄清浪三十一虎牙石怒聲相磨灘師爲言伏秋漲
駕天白浪高崑峩橫江大扁不敢下袖手但聽漁郎歌
只今天寒潦水縮香火尚乞神護呵下灘波平水灩灩
秀色諸嶺紛坡陀盛衰苦樂互更迭物理如此人如何

辰州府志

卷四十七

藝文纂

八

念君秋風不得意席帽尚沒黃塵窩種成不惜五石瓠
網去已失千尋柯古來才大有時用四十未可悲蹉跎
既不能手把鋤又不能身負戈免毫千管掃皆禿文章
小技用則那人間之客盡偪仄與子安得辭風波繫纜
水之湄晚飯山之阿江天□月等閒有何時雨笠兼烟
簑唾壺擊碎人不憐老驥誰秣瓊山禾勸君莫學王處
仲須學神仙張志和

沅陵深溪水

沅陵教諭向兆麟石山

四十八渡深溪水

語里

行人朝暮還涉此今我何□

渡此溪褰裳濡足嗟未已憶昔履畝清豪強□□

未除徒滋累致使維正缺常供坐令窮氓困轉徙
邇者承檄催積逋滿目凋殘盡榛枳一二哀鴻苦
磬磬劬勞孰爲集安止不合天地終無情眼枯見
骨將及髓更聞野老吞聲言語未及終淚瀾瀾三
壤則賦古常經用一緩二良有以豈意無田更增
科况復吹毛索瘢痕

今上聖明官長賢天和可召人自理我輩盡是淳良民
揭竿走險實深恥長官溫語甚慤懃努力輸將事
耘耔扶杖願觀德化成疲癯祈緩須臾死我聞其
語三太息撫后虐仇存大旨民勞自宜念小体司

辰州府志

卷四十七

藝文纂
詩

九

牧詎容秦越視千古誰爲元次山春陵一作具端
委後來請誦深溪行芻蕘可采幸無鄙

山水吟留別何辰州司馬

向兆麟

三崕嵯峨帶泉石鶴鳴嶽嶽鄰咫尺中有嘉樹茂林鬱
青葱外有谿流奔迅浪花白龍眠先生拄笏看翠微香
靄當几席入座清音冷然來一琴一宦自朝夕我聞政
簡物始閒何況襟期似雪滌玉壺映冰心庭階行鳥迹
佐郡餘閒還游刃循良聲價爭膾炙龔黃卓魯其前身
七邑佇看起凋瘠習尚旣淳古清晝有餘適衙齋長嘯
發浩歌驚人硬語橫空碧落紙揆奇葩風流聲籍籍公

本桐江古世家鳳池絲綸信赫奕兩世湛恩逮楚人小
草寧忘三春澤賤子樗散真不材一羶拓落羣啞啞惟
公謂我殊瓌奇鷄羣之雀終高翮豈曰文章信有神應
知相馬匪常格感切噓植激青雲伏櫪驤首思鞭策朔
風獵獵吹寒江天路迢迢望紫陌安得奏賦明光宮珥
筆爲咏緇衣蓆驪駒歌起烟蒼茫山高水長永無斲噫
歔歔山高水長永無斲

自公安至雲南辰沅道中謁山王祠

郭登

山王廟在山深處烏鴉亂啼烏柏樹神威狰獍怖殺人

辰州府志

卷四十七

藝文纂
詩

十

朱叻長牙眉倒豎紅綃抹頭袍袖結手掇黃蛇啗其舌
短碑不題神姓名蕪詞漫書唐歲月陰風颯颯吹靈旗
夜聞甲馬空中嘶老巫開門馬無跡但見狐鳴鬼嘯鶴
鷓啼山前居民種禾黍歲歲求晴復求雨神靈不靈誰
得知老巫分明作神語往來行人多再拜爐中無香畏
神怪唱歌打鼓燒紙錢蒼鵝白羊朝暮賽還把殘餘拋
野草神意歡欣鳥亦飽老巫丁寧客無慮萬水千山放
心去

辰谿歌

徵聘

李良年

武曾
秀水

巫陽城頭赤日暮辰水東流更西注錦石臨江畫不成

巖花半逐漁舟去鴉井丹砂好駐顏龍門王洞足追□
谿山滿眼客不住孤負茅齋楓樹間

送張晉天任沅陵廣文

檢討 金德嘉 廣濟

沅陵廣文解纜去挂席直到沅陵城沅陵昔有龍標尉
至今城尚龍標名雲樹漠漠五溪水廣文南向五溪行
茗飲坐看溪花放藜牀臥聽溪鳥聲長歌短詠詩千首
開軒下榻延諸生何人捫蘿小酉□採取秘藏成箱籟
校讐可以儷墳典寶之不啻楚白珩□家世此書癖
藕花陂上充閑閱雲巔上策如賈誼日菴稽古如桓榮
以此腹笥方腴味珍錯頗似樓君卿壯哉此行增挿架
熊熊光出短鐙檠有官獨冷亦不惡俸錢粗足代躬耕
况復冥摻百稱意書帶草間紉湘蘅望氣中宵泰階平
風前月下聞龡笙洞庭南北六千里詞場無席容饑僮
君去老夫仍無暇捺觚雜記是西京

讀明薛文清公所作馬伏波祠碑記

沅陵教諭 張佳晟 廣濟

水何毒淫山何蒼茫南限黔郡西夜郎嵯巖怪洞壤相
錯千里蠻獠爭自攫漢代□勲數馬侯直扼重險次壺
頭勢若建翎前賈勇下瞰小醜釜中遊當時餘恨志馬
□薏苡之謗那能湮梁松已敗朱勃健千秋忠魂儼□

雪江臯祠廟列明禋歲月飄零漸失真颯爽英姿誰寫
生獨有御史薛文清躡侯遺踪壯侯志祠下再拜長嗟
喟約畧生平真如存椽筆深鐫螭頭字客起摳衣探詭
奇三百年來識豐碑御史文章波瀾濶將軍功業古今
悲胡爲志乘故事缺光芒萬丈肯磨滅摩挲鈎畫尚堪
填嵯峨姓字馬與薛

伏波廟讀薛文清公碑記

貢生 黃道恒 聖陵基

五溪之水清且長五溪之山鬱蒼蒼千山萬水黔中郡
胡爲羣蠻獨披猖昔我馬公吹壺頭下瞰小醜若蜉蝣
宋均定變設令長儼若馬公神來遊公乃神人挺大節

辰州府志

卷四十七

藝文纂

十二

薏苡之謗緇不涅匪獨後世長企仰朱勃詣闕已昭雪
洵是忠義感人心萬古蒸嘗應不絕自此南荒慶昇平
到來大儒薛文清使旌清映五溪水麩金奏免獨知名
讀公傳兮壯公志拜瞻遺像頻遙憶刪取生平諸大節
慷慨悲歌嘆無極我來登眺探幽奇手掃蒼苔識豐碑
色如積鐵沒邊旁虫魚剝落少人知嗟嗟河津之業久
輝煌忠義自足兩垂芳細讀詩章多感激惟有大節堪
表揚詎意信史獨殘缺如椽大筆竟磨滅榻來補入郡
志中將軍是馬文是薛

二酉懷古

瀘溪 教諭 王澤霖 黃岡

辰陽古傳□西山峭巖嵒翠水潺湲天地無端聞靈窟
鬼斧神工妙自然虛靈本自翕菁華漫欲藏書此地佳
訛聞穆滿曾環轍又言秦人此爲家千古薪傳秦刼餘
漆書竹簡石室圖問津奚必桃源好五溪烟景實堪娛
何事洞門日長扃藤蘿穿石秋風冷荒涼野徑到來稀
徒資虎豹虬龍逞我來探奇何所適赤文綠字終秘密
大西山頭白雲深小西山頭水聲急我曾破浪與穿雲
不見藏書空於邑

夏日同劉雲路諸友遊大酉洞分賦

庠生

米云秀

五城辰谿

辰州府志

卷四十七

藝文纂

十三

曾聞藏書不可讀漫滅無文存洞腹我適乘興冒暑來
攜友尋幽窮我目洞前流水亦何奇當年羽客行安之
泉聲石雨相終古寂寞空令俗士嗤執火爭驅何所見
蝙蝠驚飛疑春燕入洞出洞自悠悠風結水光烟一片
烟迷曲徑徑轉幽崑懸屐滑神不倦且歌且笑且徘徊
藏書已閉不復開惟有橋頭堪久竚殘碑斷碣知幾許
呼童置酒碑碣間相與長吟歌碩鼠

過沅陵

翰林

黃秀

君實巴陵

昔聞二酉辰陽屬千卷藏書何人讀又聞善卷先生墓
詢彼山巔何處是古來奇蹤多如此往籍傳之惟名耳

挈伴偶向城闈遊攘攘熙熙徒自謀冠蓋紛然誰堪□
不如鼓棹看烟雨欸乃一聲上灘去停橈又向水之滸
武溪深
庠生 米元蕤
季辰 馨谿
武溪之水一何深流經酋峒走崇陰陡徑瀦洄留百尺
懸崖是處鳴幽禽歷歷石蟠蒼虎踞滔滔波吼白龍吟
馬革英風曾暫駐扁舟一繫明月濱浩然長歌奏一曲
武溪千古有餘音

寄楊二雍度於盧峰書院

盧溪令

顧奎光

□無錫

去年五月五喜君來澧浦今年榴花紅憶君住盧峰廬
峰學舍何軒敞絳帳高褰對朝爽君今年少擁臯比說
辰州府志
卷四十七
藝文纂
詩
十四
經鏗鏗爲人師已見諸生爭問字况兼賢主最能詩欲
銷愁尋五柳棟葉粽菖蒲酒龍江競渡年年有懷槩齋
素問方言端陽大小君知否

舟中望銀壺山

翰林

洪其哲

東村玉屏

楚山凸凹路崎嶇楚江泱泱舟盤紆朗水開頭坐小艫
匝月風寒吹敝襦客囊羞澀我僕痛家園望遠勞馳驅
銀壺山名向來誣銀壺山色令人娛舟中目成如彼姝
鬢髻紛披態且殊我來正值春花敷買春到處喚提壺
到此那得空呶唔同舟况有高陽徒一斗一石興不孤

時與家喬叔同舟

扣舷一笑呼奚奴有酒卽飲無酒沽看山把

酒一盧胡莫令山靈嗤人愚

菩提寺羅漢松歌

令 溆 浦 陶 金 諧 揮 城 五

赤雲燒山山如燬渴虹下飲長江水入門煩暑翻清涼
千尺驚濤坐中起眼前突立蒼髯翁磊砢似是青羊公
何意幻作窮禪客逃名未受大夫封銅枝鐵幹謝婀娜
阿誰為友法潛可即看五葉一花開西方早結菩提果
土花斑駁古牆欹掩抑摧藏誰惜之惟有碧眼方瞳偃
侏子曾見移根初種時鐵鎖繡澀鐘文古鑄 寺 鐘 嘉 靖 年 相 戒 不 敢
擊崩 鑰 父老流傳自成祖已 里 人 言 永 樂 時 矣 松 燕子飛來
甚固

杜宇愁天人翻是旃檀主佛桑湫澗三千劫金粟飄零

辰州府志

卷四十七

詩 藝 文 纂

十五

一抔土沙虫猿鶴怨未銷更化虬龍戰風雨羊脾纔熟
歲月淪桑田滄海幾成塵君不見天壽山前松與栢半
被樵人斫作薪魚服傳疑多訛譌髯也定記前朝事羅
縷問松松不語肅肅清風生晚吹

辰州上灘歌

令 溆 浦 石 文 成 聞 涿 城

甕子洞前濤聲壯陡崖插天列青嶂舟子如猱緣壁上
不虞失足墜深淵上有鐵索三千丈
滿河虎牙怒相向百曳灘高不可上長年未到氣先喪
一櫂中流一葉輕萬派洶洶翻海藏
九磯灘險兩崖束左旋右折九盤曲紙船時防巨石觸

舟師到此寂無聲
白日蛟龍水底伏
雷洄灘聲雷聲割
舟穿石罅路偏窄
風雨顯晦錯朝夕
纜繫峰頭猿嘯哀
人生莫作五溪客
上灘下灘心胆寒
就中最險清浪灘
亂石峨峨劍戟攢
灘過擊楫發三歎
人生休歌蜀道難
牽夫如蟻走山脊
半天進步不盈尺
過得一灘度一厄
一絲進斷船倒飛
全舟性命供一擲

石通府歌

公諱萬有號涵初
上元籍滁州人

石文成

堂堂通府天下奇
滁州山水毓英姿
胸藏異書兼文武
翩翩佐郡楚南陲
三年赤日何杲杲
情切桑林勤步禱

辰州府志

卷四十七

藝文纂
詩

十六

鳩形鵠面登春臺
精誠真能格蒼昊
銅符握手瘡痍起
無端獻賊陷常澧
百里桃源最搥傷
生靈血漲桃花水
激昂捐俸築城墉
喧豧炮火連天紅
前編後伍出勝算
銅鑿漏箭響玲瓏
撫字心勞靡晝夜
簿書餘暇左右射
賊衆聞之胆已寒
鼠竄紛紛甲盡卸
孤城賴公相終始
公去亂絲誰爲理
邦人立廟鑄豐碑
歲時俎豆薦芳芷
與公同族共鄉枌
如水同源木同根
緬懷高山肅瞻拜
姓氏煌煌昭乾坤

清捷河

王師由間道夾攻破辰龍關大敗吳
逆於清捷河清捷舊名殆前兆云

石文成

辰龍關上雲蒼蒼辰龍關下水湯湯斷口折刀時
出土云是當年舊戰場在昔滇黔未開闢蠢茲小
醜尚充斥

聖人赫怒興師征十萬鐵甲爭飛騰窟宅險阻賊負固
五溪茫茫不可渡問誰潛繞辰龍關天開一綫
王師路路通六詔接牂牁大軍戰勝清捷河河邊壁
壘豕狼突將軍奮起揮天戈掃蕩鯨鯢如蠓蟻一
時水漲桃花血長征遠統三路師露布喧傳八公
捷提師到此

天威震人間萬事皆前定清捷河名自何年萬里廓清

辰州府志

卷四十七

藝文纂
詩

十七

先有識將軍銅柱勒勲名姓字高懸星斗明我來
夜向河邊宿河水奔騰萬馬聲

石壁古屋

鳳凰
教諭 羅時暄
旂山
桃源

瀘溪石壁映江水緣江屏列二三里斗峭鏟削千仞高
幾處結構半腰裏上無可援下無攀老猿窮技妖狐已
鑿巖架木定鬼工軒欄斷續般倅指流傳失實志莫稽
徒令過客疑猜論說推所以我見蠻民半居山因土附
巖隨所止得毋古時山市處徑連岡阜相迤邐一朝巨
漲從西來萬壑衝激波濤駛土崩石裂頃刻移風霆雨
雹蛟龍徙迄今骨立但石壁頽墮岡阜無附比挂巖朽

餘風雨摧憑高據險胡足倚君不見仁者擇居得廣居
巖牆之下智所鄙中田有廬晝于茅鷄犬籬落花桃李
通都大邑櫛比廣厦千萬間逴衢熙皞平如砥遺跡驚
奇海內多萬事平易自有始爲問蓬萊弱水中有不死
藥金樓玉閣誰所起

登小西洞放歌

謝鳴盛南非醉

扁舟昨來訪小西臥月看山歌對酒面目當前人不如
今日我已登古阜石崖橫袤數十尋中懸一竅虛如牖
七人羸屨各扶筇未及山半兩人後十目瞪視氣停喘
身所立處險且陡乃知世疑古洞封父老流言良非偶
辰州府志
卷四十七藝文纂
詩
十八
前進後却心搖搖招手隔江呼童叟三兩健夫趨來前
騰躍鳥道如猿走助我興豪勇倍堅斜崖垂繩攀兩手
幽僻自成泉石居高空莫覓巢許友仰掀雲氣壓穹窿
俯睇村烟出培塿烏速一山罨畫屏西水雙流環帶紐
舟中兩友昂首觀疑我天仙不可耦

中秋醉後觀永綏山水圖

謝鳴盛

崇山綿亘數百里黔蜀相連勢不已千峒萬峒交
灣環在昔苗頑實棲止干羽日舞於兩階何事兵
甲紛紜起章惇熙寧老賊臣明有萬鎗亦靡靡自
茲寇盜不勝口戈鋌血戰溪流紫大龍小龍二洞名

埋沉淵潮聲嗚嗚潛野兕將軍候潮潮不來詈潮

潮亦三接耳

潮水洞在郊外昔有武將候潮不

矧

爲

天朝播靈威蠢爾六里寧足倚崇山磊磊崇城高口鋪

一氣平無壘少保

張岳

虛誇哨十三袁

應文

劉

應上

空隘

我營址

三公皆先後築邊牆者

君看雍正八年來峒布蠻錦

爭輸市不折一矢與一兵天然圖畫歸掌指山川

有待發奇靈柳州不來巖洞恥夜郎坪名日日醉高

眠一管窺天天正此月色溶溶滿辰州謝生好事

歌滿紙

辰州府志

卷四十七

藝文纂

十九

白雲山

副貢

劉紹濂

鄜渠

白雲遠自天際來蹲身江干尚崿嶂雲去突兀橫烟鬢
雲來翩躚擁鶴蓋精藍選勝雲窩間戶牖六月生寒烟
霜皮皺成百龍虎濤聲瀉出千琅玕我生百事苦拓落
名山緣分幸不薄危樓擁卷當窻哦茲山咫尺窻前羅
高人傑士靜相對使我逸興凌嵯峨埴院三年侍古屋
山前攀陟山背宿予少讀書院等閒襟帶雲飄飄幻作下
方雨霖霖面目摩娑日有取雲山許我迭賓主頗怪左
肩驂復撐絕壁矗空無寸土往來不敢正目視熊羆狰
獍犀象異傳聞勝代銅馬徒亂如蝟毛毒如蠱斗大淑

滿恣虔劉眼看赤子填坑溝樹幟鳴鈺結黨拒一時寨
柵森戈矛鷄公烏龜賊鋒斂石盤龍鳳寇氛慘茲山荆
棘成離披逃竄多應盡崖广及鷄公烏龜石盤龍鳳何當
鋌鎬變桑麻承平福及山烟霞鏗鉤齋鐘度林樾悠揚
仙梵調僧伽邇來策蹇走燕豫與山契濶幾霜露歲暮
歸里申綢繆咄咄山容罩冒絮似嗔丫峰懶開顏寵從
雲氣封回環搔首一嘆透巖岫山靈爲我念宿舊須臾
霍霽收天風嶙峋現出青芙蓉

銅柱吟

庠生李呈煌方函

惟五溪之邊徼兮實荒服之頑梗與猿獠而錯處兮懷

辰州府志

卷四十七

藝文纂

二十

封豕之殘馘聲教所未及兮寧干羽之可醒嘗承間以
肆虐兮歷漢唐而弗靖逮五季之希範兮樹天策之雄
名特命劉勅與全明兮羣鼓勇而出征箭飛火烈兮巢
焚欲崩鼠竄無地兮泥首輸誠既叛悖之能服兮欲侵
凌之永杜遠踵武於伏波兮彷彿遺踪於象浦爰採銅於
荆山兮設錘爐於洲渚若鑄象物之鼎兮若鎔毆冶之
釜建一柱以擎天兮樹巍峩於蠻土屹乎測景之士圭
兮巋然承露之金莖影倒江而不流兮光射斗而常擎
下伏魚龍兮上接日星風雷呵護兮霜雪莫凌時有學
士兮氏李而宏臯名標藻華於一日兮留古今而知榮

□客停舟兮覩蹟心縈獷悍斂跡而莫尋兮凜誓盟以
常驚威永讐乎狐鼠兮功遠勝於甲兵亘千秋而萬古
兮尚摩挲而崢嶸

過蘆潭漁家醉後短歌

庠生 梁芳燾 企參 浦

蘆潭側花如雪扁舟一葉趨寒月長歌短笛聲悽絕五
溪之水秋冷冷三閭一去誰醒醒

補遺

清浪灘伏波廟

沅陵 龔 錡 香蘋 江夏

汾陽功高今誰錄武穆忠壯從來促自古勲名遭謗毒
先生豈因使梁辱何用區區葬城西千秋萬歲在九溪
薏苡無憑身後事江干波吼似鼓鼙

辰州府志

卷四十七

藝文纂 詩

二十一

五言律

唐

晚發五溪

岑參

客厭巴南地鄉鄰劍北天江村片雨外野寺夕陽邊芋
葉藏山徑蘆花問渚田舟行未須住乘月且徐牽

送任侍御謫黔中

劉長卿

不識黔中路今看遣使臣猿隨萬里客鳥似五溪人地
遠官無法山深俗易淳須令荒徼外亦解懼埋輪

送辰州李中丞

韓翃

白羽逐青絲翩翩南下時巴人迎道路蠻帥引旌旗暮

辰州府志

卷四十七

藝文纂

二十二

宋 雨山開少秋江葉落遲功成冀異日應見竹郎祠

入辰州界道中用頔子韻

廸功郎

王庭珪

民瞻安福

路入荒溪惡波穿亂石跳騎驢行木杪避水轉山腰倒
挂猿當道橫過竹渡橋吾生本如寄歲晚尚飄飄

辰州上元

王庭珪

留滯遠湘浦飄如雲水僧來爲萬里客又看一年燈翠
幘褰珠箔高樓俯玉繩鰲山今夜月應上最高層

明

從征古州蠻歸途經怡容

長史

管

訥

時華
□敏

王程不敢緩四日下辰陽古木將軍廟春波使者航
依山勢險江納雨聲長莫上觀瀾閣傷心在異鄉

辰溪曉泛

御史

薛

瑄

文清
河津

沅水一千里辰溪又泛舟山雲聯雨暗身世與天遊已
覺鷄聲遠遙看野樹秋所經多險阻還似解離憂

鐘鼓洞

薛瑄

石室何年闢江空久不扃灰飛丹竈冷書朽碧苔零流
徵吞江漢飛商激洞庭馮夷休浪擊祇恐泣湘靈

過辰溪

提學
副使

何景明

仲默
信陽

早發辰溪渡清川喜泛舟山城歌粉堞江驛映朱樓雨

辰州府志

卷四十七

藝文纂
詩

二十三

驟沙頽岸天寒水露洲聲音聞漸異迢遞動鄉愁

甕子洞

崇正書
院山長

劉

瑞

游江
人

巨石橫江面江流兩岸開乾坤誰此宿風月我重來臥
穩魚龍寂聲傳鶴鶴猜向勞覓弱水清絕小蓬萊

泊溆浦

都御
史

王守仁

陽明
餘姚

溆浦江邊泊雲中見驛樓灘聲回樹遠厓影落江流柳
發新年綠人歸隔歲舟窮途時極目天北暮雲愁

白沙灘

提督雲
川湖

伍文定

時秦
松

曉起推蓬望無端風景生舟從天際發人在畫中行
□□□影□□□聲金□丹壑轉松竹數家平□□

船溪驛

令盧溪

吳

炳

廬陵人

船溪行自慣節序復寒衣岸岸春流減山山木葉稀兵
戈催幕府杼柚散荆扉負固休相狃殘苗已就圍

沅水晚棹

吳

炳

傍晚蒼江上秋風生旅思由園歸計拙塞路宦情疲漁
屋銜山轉樵歌泛浦遲素絲傷異域賸欲問東菑

筓子坡

吳

炳

故壘棲朝代旌旂控府屯花裙服猶襲勁弩射仍蹲鷄
卜占春調蠻歌答夜昏邑居托枕席洞戶作藩垣

里巖關

吳

炳

辰州府志

卷四十七

藝文纂
詩

二十四

里巖信天險絕壁懸躋攀潛蛟吹浪黑飛鳥逐雲還一
劍憑當路千夫莫斬關華戶從此限寧獨一高山

獠獠灘

吳

炳

獠獠灘易涉筓子坡難登冥鳥斜衝樹寒猿倒掛籐蠻
江綠似酒塞路曲如繩辛苦邊城宰胡然廢寢興

送曹一坡判辰州

太學士

徐

階

子升華亭

衡嶽已無鴈辰陽吁可知未愁會面阻豫計得書遲屯
戍煩兵力流亡苦歲饑若爲宣帝澤遠慰故人期

蘭泉山

太僕卿

李

樂

鹿泉廬溪

有近泉流庭□香襲去舟雲深春雨暗山靜鳥聲柔□

洞幽期迫空江翠霧浮呼童煮山茗何異赤松遊

權峰

李樂

山空長日靜荷葉製初衣瑶草香風細修筠暑氣微向
人仙犬吠得意野禽飛壺矢攀留久杯深醉未歸

宿船溪擬遊偏崖洞不果

辰州太守

徐廷綬錦安淳

古驛船溪上停舟正夕陽覓幽憐洞遠搜句引盃長窻
月窺人瘦盆蘭入夢香角聲催早發草樹共雲黃

蘭泉山

舉人

牛鳳盧溪

石峽涓涓落幽蘭一片香清波浴日月異臭逐帆檣江
風吹不斷山雨洗還芳到海終須別流光滿四方

辰州府志

卷四十七

藝文纂

二十五

盧水

盧令

王京咸高

千山羣籟寂孤棹一燈明岸曲藏沙磧江空落磬聲客
愁盃酒暝詩思夢魂清明發滄波渺相看錦纜輕

辰陽晚泊

辰州太守

瞿汝稷元立常熟

春流似建瓴春色晚冥冥溪菜盤餐滑江魚七箸腥月
來沙漸白烟斂樹猶青漁父方舟處聞歌愧獨醒

宿界亭驛

徐焞興縣

兩月歌行役奔馳倦不勝澗多民病涉山疊客愁登白
草巖霜殺孤亭驟雨崩五溪蠻地近明發到沅陵

辰州北極觀

辰州官推

侯加地慶州解

北郭遺塵境南華是道機露懸青桂冷霞綻紫芝肥谷
靜鐘聲遠山空野色微持書問元度神與白雲依

發酉陽

侯加地

殘臘抵任卽泛舟赴岳州時值大雨因憶太白如此
風波不可行之句率賦一律

侯加地

俗累應難脫長江未易過舟師戒槳柂津吏指風波石
磧連青嶂人家住綠蘿紅塵幾奔走自在愧漁蓑

泊橫石灘

侯加地

去住渾成夢驅馳已迫年剛離豺虎窟又過鳳凰山雨
密烟籠樹江空水接天石灘風露冷轉覺酒無權

辰州府志

卷四十七

詩藝文纂

二十六

辰溪次曹明府韻

侯加地

絃誦千家月風騷二酉崑琴閒單父几詩入少陵函南
國棠偏好西風桂不凡范尼莫須問屈指紫絲衫

宿馬底驛

侯加地

何事嬰塵絀蕭蕭急暮征雪還助石滑山不似心平避
漏頻移榻煎茶自洗鐙樓頭二十五聽徹短長聲

山塘曉行

侯加地

又是羊腸道輕寒侵薄裳老妻憐我瘦野鴨笑人忙雨
雨流不斷山山接未央一年三百六多半水雲鄉

步隆興寺

給事中
張上升
積陵生

□坐忽不適來尋禪悅羣斷橋初過雨高樹欲留雲燈
火連僧屋梅花壓古墳窅然清磬發相對老迦文

界亭道中

張士升

故國蚤入望崎嶇心較安勞人頻問酒鄉語勸加餐家
近轉生夢霜清翻作寒萬山紅樹裏匹馬畫圖看

鶴鳴山

布政使 鄧啓愚 良浦知

別去此山久到來塵夢稀鶴鳴如識客雲散不沾衣露
濕苔痕冷牕寒月影微何當嘶馬處重與紫芝違
過玉華洞不及登覽悵然有作 鄧啓愚

晚過玉華洞星巖似舊時褰帷今日路選勝昔年思鶴

辰州府志

卷四十七

藝文纂

二十七

唳疑遲客雲盤足杖

須攀薜荔石室且探奇

登辰溪真武殿

參將 鄧子龍 豐城人

巖閣飛鐘磬登高一振衣步看雲散處坐待月來時石
引梅根瘦江天雪水肥乾坤皆幻境隨處可留題

弔馬伏波祠

都御史 林大輅 莆田人

野渡維江舸荒祠薦澗芹魚龍喧永晝日月照迷津阻
絕征蠻路艱危報主身只今嗟薏苡臨弔幾傷神

辰溪鐘鼓洞

給事中 鄒元標 爾瞻吉水

石室誰人鑿冷然鐘鼓聲風回應谷響籟靜自雷鳴□
護新題草雲留古石枰蒼蒼□大在臨眺獨含情

蕉溪春泊

謝三秀

遠岸平蕪綠寒流似若耶
雨深人喚渡春老客思家
野葛牽青蔓溪藤落紫花
浮名是何物漂泊又天涯

宿溪口

安順道米肇頤
觀辰溪甫

溪環四十里村隱兩三家
飲馬偏逢雨穿林未見花
時來春夜冷客到酒初賒
夢裏陽關路明晨天一涯

題錦崑洞壁

知縣鍾良翰
辰溪

石洞開江上如何古不名
叢陰遮徑曲對岸任鐘鳴
客到鳥爭道雲深我獨行
高山與流水千載記同盟

晚發五溪

陳贊

辰州府志

卷四十七

藝文纂

二十八

巴川移短櫂正值暮雲天
客路猿聲裏鄉心鴈影邊
蒹葭連晚渚穉稭滿秋田
風物雖堪戀其如歸思牽

家遠辰陽宦遊萍梗悲秋有作
遙寄故人三十首

之六

漕儲道余鷗翔
誕辰北溪

涼駕逐金風蕭疎草木同
客心關曉露歸夢伴宵虫
葵菽烹田父元黃促女工
幽風思往古餘喘悵飄蓬
巢棲甘茹蕨逋世昧先幾
貧典春衫盡寒迎玉露飛
但教愁似織誰與賦無衣
渺渺蒹葭思臨風憶往徽
疎星映楚山明月照吳關
魚雁多時斷荆榛此日刪
天河澄洗甲營口淡開顏
壯士青萍氣秋風淅瀝間

遭逢慶拔茅鷺序拜螭坳每值鷹初擊常懷壘在郊西
風寒塞草南服起軍饒回憶增怛何堪虎夜虒
衰柳六橋斜風搖雜露葭湖光曾借客山影慣逢艤往
事飄殘葉新愁寄遠涯一亭聊徙倚頻看木樨花
雙丸如轉軸百卉減葱青坐石頻驚鷺眠松細數星故
鄉籬有菊僑客跡如萍村酒資懷抱方酣慮罄瓶

登紗帽山

同知 張士亨 石浦虹

着屐經奇巘捫蘿愜勝遊虎蹲驚怪石虬臥見丹邱樵
語烟嵐暮蟬嘶水木秋曠懷何處賦一笑小滄洲

銅柱

指揮 姚之屏 辰州衛

辰州府志

卷四十七

藝文纂

二十九

勲業無前代銅標亘瘴鄉勒銘齊竇伐驅石陋秦荒椽
筆神靈護豐功山水長風霜千古色猶自讜苗王

小龍門道中

貢生 米肇灝 梁溪若

古道已多失依然上短岑路從今日得思向昔年深地
曠雲留嶺天寒鴈去林孤烟山外起遙望益沉沉

避地江家灣

米肇灝

踰嶺爲深入密林見小烟竹陰當路側茅屋在溪邊松
老雲心淡籬開樹影連到來忘境靜枕石日高眠

椒莊

米肇灝

結舍依低阜屋東露小天羣松環戶牖一徑入山烟□

長能辭客虫吟足紀年塵心何處着就石聽飛泉

丹山洞

米肇灝

太古存蒼壁嵌空待急流觀城烟帶日問野樹經秋淺
瀨朝爭渡寒江夜送舟何如鐘磬畢元味息悠悠

虎谿山次王澹菴先生韻

貢生 唐九官 師濟 沅陵

高閣生幽韻登臨覽化城山增羣木秀樓納遠江明秋
色如僧靜閒雲似客行孤吟無俗侶雅抱古人情

十隱潛溪

唐九官

爲卜幽棲地蕭蕭物外居雲山堪避世石洞可藏書適
志同猿鶴忘情樂鳥魚此中足天放時事付欷歔

辰州府志

卷四十七 藝文纂

三十

山莊

唐九官

茅屋絕崑下溪流遶碧灣人同山意古雲伴野心閒幽
草含朝露青林過白鷗徑前空翠色風景畫圖間

晚坐西園有懷

舉人 米元侗 吉辰 溪人

坐愛西園晚山根漸起雲暑消林氣薄涼定水光分顧
影慚行止虛心理見聞客堂今夕夢一半是思君

復從獼溪歸作

米元侗

十年九作客幾日暫開顏野步不隨路秋愁多向山遠
明溪自動虛響樹常閒爲惜高雲意蹉跎未擬還

己丑寇入辰州壬辰復之丙申九月十七日□□

抵馬底驛十九日則辰州兵已過辰溪矣事起倉卒子身而出山中苦辛聊以記之 米元偶

歲晚嗟行久寒風吹路塵貪生數避地隱姓怯逢人得米增微喜看兒念老親最憐戎馬急何處望陽春

溆浦道中

米元偶

城是何時破空憐草木存荒巒春雨冷舊院野花繁白骨經霜雪烏鴉長子孫故鄉戎馬在對此哭黃昏

季秋同王二子修四弟子翰遊龍泉寺

進士 汪宗凱子陽才

菊月征鴻度花宮並馬遊惠連重夢草王粲共登樓秋

辰州府志

卷四十七

藝文纂

三十一

色諸天淨泉花萬象幽覺來悲幻境長嘯趨滄洲

彝望山

大學士 楊嗣昌武陵弱

每愛昌黎語青羅縮碧簪所矜吾上美遙羨古人心四壁信孤影五□懷衆音冬青兩攜策梢不昧高深

三石澗

楊嗣昌

號石宜爲萬稱尊石可三中仍瀉寒澗名久蝕精藍伏谷虎晨去隔沙漁夜談霜林與霞壁觀取夕陽酣

本朝

漁潭晚釣

庠生 潘亮淵沅山陵

一帶烟霞曲潭平艇不流天光映水白山影共雲□□

照一川靜漁歌兩岸幽長年閒釣此何事着羊裘

除夕前二日宿山塘驛

知縣程封
石門江夏

一年餘兩日萬里賸孤身愛此山塘好都忘節序新官
貧偏餉酒驛倒故留人去去黔陽路梅花早放春

入辰州界

程封

四圍山影塞何路出辰谿古木昏鴉集荒原健馬嘶草
肥新雨後人倦夕陽西廿載沙場裏泉聲帶鼓鼙

沅陵道中

程封

空山三百里不見一人耕翡翠窺魚立獼猴摘果行彎
弓無暴客跋扈見防兵廢壘前朝設愁聽杜宇聲

辰州府志

卷四十七 藝文纂

三十二

淘飯鋪

程封

五谿炎熱地迢遞去偏遲蔓草村村合枇杷樹樹垂入
山樵徑斷度馬野橋危古驛茅茨下厨烟借午炊

宿辰州

程封

此地疲征戍經過感廢興諸蠻通永順古邑見沅陵江
漲五溪雨城開一夜燈停驂安旅宿山影暗層層

瀘溪縣沿江一帶土人多懸崖置屋以避苗患

程封

懸崖生鳥穴人篡此巢居百丈梯難上五丁開不如憑
空諸路斷俯瞰一江虛疑是天仙宅飛來有異書□□

夜渡辰溪

秘書學士 胡統虞 孝 □ □

一泓溪水碧新月冷侵苔霜影寒如雪枯腸瘦似梅故鄉行漸遠鳥雀去還來彷彿家山意時從好夢回

二月自縣回路中作

貢生 余子錦 陶石 辰 谿

杖履轉南行春花一路明過橋貪看水辨樹懶聽鶯空翠幽山色微流清澗聲農桑吾近學嘆息幾人耕

同門人登石盤山望盧峰

高應雷 五南華 雲

緬昔掛瓢處於今生白雲倚天孤閣迴入望萬山分似有閑關衲曾無招隱君謝家遊屐爽徒倚送斜曛

秋日重過椒溪

貢生 米元俊 秀長 辰 谿

辰州府志

卷四十七

藝文纂詩

三十三

眼潤人踪少荒深獸跡稠路殘苔隱約溪淺石沉浮有日山皆冷無風水自秋舊時松竹在暮雀繞枝頭

蓮花洞避暑

貢生 向春藻 溆浦

何處堪消暑蓮花洞裏遊川流天地迴水積古今浮憩久能辭夏涼生早得秋歸途不覺晚新月出山頭

乾溪洞

湖南興 宮家壁 百朋 屯 道 關 東

乾溪何處是倚洞見孤村滴乳成簾幕空青聳壁門羣峰昂有勢一水過無痕不信神龍隱頽然此地蟠

皓潭

教諭 米元侗 同人 辰 谿 人

地僻屋緣水高低門兩家路窮山勢曲籬仗柳根斜鷄

犬晚來熟梧桐秋後花疎雲濕一半溪北未全□

九峰

米元侗

十里未停杖看山不覺勞草深孤徑沒雲盡九峰高路
上松杉古天邊星漢牢乾坤入暝合真氣到林臯

望辛女崑舟不得泊

米元侗

故人當亂去此後得愁多我欲停舟問其如風急何望
林烟漸失繞岸樹全過縱有今宵夢春流隔一河

排柴坡

米元侗

獨歸有靜意小雀引長林樵子不相問斧聲聽更深奔
泉清暑氣斷岸接流陰來去同寥寂微雲如我心

辰州府志

卷四十七

詩藝文纂

三十四

辰陽舟夜

麻陽知縣

陳五典

太湖人

小艇堪容膝披襟興不窮問天時把酒對月可吟風慮
澹波常靜人清水亦同何如舟子樂歌笑碧流中

辰龍關

進士雲南推官

張一鵠

友華亭人

天地金湯險由來王氣鍾五丁開絕塞二酉抱辰龍亂
眼奇峰過驚心暑瘴重興亡千古在立馬倚長松

過清浪灘

貢生

胡紹安

漢陽人

落日清浪路舟人意亦煩狂波鷗鷺狎亂石虎狼蹲網
集潭無岸牛歸樹有村勞勞費牽挽咫尺泊誰門

鎮筸道上

湖廣總督

查弼訥

敏夫長□

鳥道穿雲入披榛石作梯下瞰烟霧塞平望水天迷膏
澤周遐甸軍容振五溪楓巖紅落處時聽野獺啼

乙丑秋人滇遶道宿瀘溪城下 倪國璉

疊嶂牽舟入縣門秋水寬避風先泊岸過雨更觀瀾汀
遠漁燈隱天涼晚角殘短篷今夜穩不似宿諸灘

冬日登鳳凰山

沅陵教諭 向兆麟 石山村

共有登臨興招攜得得來寒風吹絕壑白日澹高臺緱
嶺空相憶鳳凰安在哉祇令詞賦客遙憶謫仙才

月夜泊白龍巖 向兆麟

扁舟當晚發真似汎滄溟岸月欺霜白江燈入水青圓

辰州府志

卷四十七

藝文纂

三十五

沙喧鳥語怪石帶龍腥孤泊情難遣長歌對醪醑

晚行楊溪 向兆麟

片石孤雲外長松古道間暝烟初出水返照欲銜山文
酒消羈思風塵老壯顏篝燈通比屋殊愧野人閒

自瀘溪至乾州歷諸險灘短述 向兆麟

不信巖疆險縈紆百二灘驚濤春斷岸怪石鎖奔湍幾
處村烟白千峰木葉丹比來軍供急飛輓正艱難

界亭道中

沅陵令 于廷弼 南溟

緩轡烟霞裏溪聲入耳涼滿衣楓葉影一路桂花香□
酒因山古敲詩幸□良回看雲外寺千嶂帶斜陽□□

雪天憶黃清源往諭土司

姚基延

江夏人

淵市聞重過百蠻詐未休

先自淵市往司比至各苗別路遠去

舞干王者

化捧檄使臣愁忘倦兼程烏衝寒點雪裘征夫同靡盬
鞅掌念吾侯

雪夜宿浪石黑衝舍中

庠生

米元儒

需人辰谿

居山宜靜僻君舍遠村鄰空谷絕人語溪聲滿夕燈客
來茶正暖門閉雪飛輕共話寒更盡鷄鳴趁曉行

敬閱先君子踞松吟墨蹟感賦

米元儒

字軸留先澤悲深運筆餘案前閒研墨膝下靜看書問
古思勤倦觀神悟疾徐至今不忍見空自一長嘯

辰州府志

卷四十七

藝文纂詩

三十六

辰龍關

侍郎

湯右曾

西厓仁和

東馬懸崖險關門鬱不開居然橫戟地曾此挂弓回浩
蕩妖星落蒼茫角吹哀兵家爭間道爲語勒銘才

五溪雜詠

江陰知縣

陸次雲

雲士錢塘

崎嶇幽谷裏盡是碧雲阿祖每尊槃瓠祠皆祀伏波峒
民參漢俗溪女唱苗歌漑種漁樵暇悠然臥薜蘿
掛帆將匝月猶在亂流中野豕能飛箭江豚善拜風安
危憑激浪行止信孤篷影落南天外飄零望斷鴻

柑木洞

貢生

張志揚

溆浦

□□仙境別嘉樹夾溪源地僻人踪少天晴鳥語繁□

烟疏窗穴斜日逗穹門尋勝無窮處班荆漫引樽

鶴鳴山房初成

沅陵教諭張佳晟
晉天廣濟

鳴鶴山猶在閒情只獨知茗香成野趣梅信發幽思月

挂五溪近雲探二酉奇小春時自得欲與話襟期

旅愁誰共遣坐我碧窻中雨過竹烟淨鳥啼山影空淡

雲疎古木僻逕落清風莫怪先生冷高吟興未窮

寓浦市

沅陵訓導祝伊齡
黃岡人

選勝來蕭寺同人眺浦溪心隨秋水濶日送野雲馳達

識推先覺羣英羨在茲中行何日遠千載寄遐思

懷玉華洞

知縣舒宏訓
慕衡人 溆浦

辰州府志

卷四十七

藝文纂

三十七

洞天三十六何者是仙家夢覽仇池勝疑乘碧漢槎玲

瓏渾似玉法象更增華猶憶從遊日溪流幾片花

龜山

舒宏訓

神龜未出洛山體已巋然陰洞疑穿地懸崖欲到天猿

啼幽澗裏僧老白雲邊戎馬郊原亂惟茲竟獨全

和張晉天廣文鶴鳴山房初成韻

馬凌霄
華亭人

依然城市裏僻逕少人知山色搖書幌琴聲叶夢思尊

開明月冷簾捲暮雲奇瀟灑堪容膝招攜獨我期

先生真好僻結隱此山中對菊心逾傲論詩眼獨空十

年餘寶劍兩袖挾清風花下常攜屐能忘阮籍窮□□

好景樓晚眺

貢生 潘勝鵬
沅陵

蒼翠羣峰合登臨興自悠白翻岸荻絮紅醉水花秋碧
浦青烟細晴天好日浮雲山簾外捲驚句上層樓

金華山

潘勝鵬

杖逐白雲路烟嵐一望空松杉迎野客樓閣响春風老
霧蒼巖斷晴霞夕照通溪聲百里去人倚半天中

登虎谿山尋王文成公遺蹟

貢生 康仲瑋
次琦 沅陵

何處龍揚客杖藜過虎谿講堂空夕照雲樹接禪栖風
氣開千古英雄藉品題一燈輝道統茅塞薙山蹊

涉甕子洞明月菴諸灘

知州 江 闔
新貴 人

辰州府志

卷四十七

藝文纂 詩

三十八

懸崖引纜上怒浪擊沙鳴快目峰纔過娛情石又生疎
林幾屋出幽澗一橋橫逸興謳歌發塵勞覺頓輕

鹿兒巖

許少華

鹿巖當路斷龍洞瞰江陰地接元冥館天開蒼玉林晴
霞流蜃氣空竅發鯨音聞有仙丹在虛藏夜壑聲

沅陵舟中

潘國祚
燕邱 江 夏

日月無全照烟霞心半空水涵鸚鵡綠山放杜鵑紅人
語虛無裏帆開縹緲中溪山情不淺名與漫郎同

辰陽道中

舉人 汪特昌
漢于 〇〇

一從沙際渡陸盡竟山行雨過千峰暗泉通萬壑鳴〇

隨村近遠身與馬欵平冉冉惟登陟途窮憶步兵

丹山閣

貢生 黃道恒 聖陵基

丹壁浮江面山嵐疊幾層巖窩新架閣石徑舊欵藤邑
小餘風古雲深半隱僧幽然仙境在塵世竟何曾

鶴鳴山房

張錫崇 廣濟人

我心何所適對此茂林中雲暖鳥聲細天清花影空虛
亭留夜月垂柳飽輕風誰識山前客長楊賦未窮

望小西山

張錫崇

西山遙入望蒼色自千年洞與閒雲閉屐從暮雨還峰
頭微落日嶺外响流泉為憶仙翁在遺書竟渺然

辰州府志

卷四十七 藝文纂

三十九

留別淑江諸子

淑浦教諭 劉慧珠 文縣

一羶不計冷十載喜相知風月窻前畫雲山江上詩情
深難得醉老別易生悲僅有講堂在羣然慰所思

水心寨

翰林 黃秀 君陵實

砦設常因險嶙峋踞水中兩峰懸壁立一徑傍門通比
屋陶為瓦沿崖松作叢時清方偃武文教已同風

題石碧庵

庠生 米云方 辰若谿

寒氣入清淨秋光不在山徑穿竹樹曲門護水聲關獨
坐雲先去長歌鳥欲還寥寥無意緒時共老僧閒

題丹山洞

米云方

逐步開荒徑入門道氣清寒江延暮色亂石接秋聲
鳥飛常靜老僧夢不驚白雲遙指處山外月初明□□

望浦溪烟雨

康仲岱

沅陵

平野陰雲合溪山四月秋曉嵐迷遠樹輕霧鎖危樓入
水聲偏細沾衣翠欲流捲簾憑眺望杜若滿芳洲

酉溪蚤發

康仲岱

解纜星初落波光映碧天晴霞籠蚤樹衰柳起殘烟野
犬迎人吠漁舫傍水眠江鄉憑眺望曙色滿平川

遊城南三山遇雨憇僧舍

知縣

唐效堯

衡尊辰谿

雨後山添媚空濛翠四圍人行雲撲面路轉石牽衣壁

辰州府志

卷四十七

藝文纂

四十

斷雙虹引崖懸一瀑飛前林烟火動僧已負薪歸

瀘溪石壁中架木如巢可望不可上相傳爲明季

避兵處也

唐效堯

石壁多奇絕千尋瞰武谿谿通百棧凹凸縋重梯行
李隨猿度人烟共鳥棲遙瞻猶膽慄何況更相攜

清浪謁伏波祠

唐效堯

寂寞雲臺畫將軍尚有祠龍螭蟠俎豆風雨護旌旗水
咽明珠怨磯鳴馬革悲還當誇矍鑠莫悔據鞍時

馬底驛

貢生

范秉秀

伊瑣桂陽

樹開林鳥亂烟重野橋斜徑折多逢石香幽不見花青

山天際落白霧馬頭□相顧魂宜斷無由覓酒家

遊龍泉寺

貢生 謝純臣□□□□

香剝從來古秋風客到稀溪光平入座竹色冷侵衣地

僻鳥無語林深□自飛蒲團相對坐茶話總清機

萬壑秋晴後雲烟列畫屏山畦曾采菊仙洞欲餐苓鶴

舞花光爛龍翻水氣腥歸鞭依落照吟嘯幾回停

虎谿書院

辰州同知 何 璘華城

虎谿在何處磴道陟重巖半院蕉陰老三間瓦屋欹每

傷吾道寂尚愛古風遺沆芷仍頻薦天涯得我師

溱川石壁

迤西道 朱鳳英桐岡南昌

辰州府志

卷四十七

藝文纂

四十一

石壁凌千仞盤旋俯碧川雲銜千疊翠風掛一帆烟樹

穴叢棲隼藤垂菓透猿興來思潑墨畫稿滿漁船

望丹山洞

庠生 米云秀榮始谿

石壁爲終古何年始問津近江常欲夜映樹自爲春路

斷聲還接樓高風愈親千山歸一望久立貯天真

和楊二雍度盧峰書院四首兼柬陶適齋明府

永綏同知 徐廷棟念齋金匱

憶昔曾行處山城傍水隈入花多掩映臨竹可徘徊是

產球琳地應饒杞梓材十年勞夢想聞憇子雲才

史紀文翁治風流復在今明犀移俗手越冶育才心惠

愛存歌芟前徽紹惜陰緇衣情更切片玉瓌瑤林
離騷著成後此地賦才多蔡或逢焦尾歐應識太阿樹
須宜性種鏡藉苦功磨愧乏明珠贈芻言謂若何
我亦承聲教官衙卽講堂相期化蠻語漫擬溯前芳山
有幽蘭秀溪多杜若香盧峰相望好歌詠共時昌

題仙人洞

瀘溪令

顧奎光雙溪無錫

信是幽栖地兼懷遠俗心如何沉簿領而弗果招尋日
靜巖扉扃雲封石屋深無妨住城市終得傍山林

鐙架山

顧奎光

連峰勢輻輳鼎峙互崢嶸鳥道雲邊轉僧龕石罅成谷

辰州府志

卷四十七

藝文纂詩

四十二

中聞碓響木末見樵行不厭看蒼翠初冬風日晴

甕子洞

進士

向廷柱砥陵中

甕子洞名古辰陽第一灘水從江面噴舟向石頭盤路
斷沙橋續崑懸鐵索攤舟人篙力勁過此胆應寒

屏風崑

向廷柱

崢嶸一片石絕妙錦屏風插浦客飛浪懸峰渡斷虹舟
從雲裏過人向鏡心通竟日遲迴處天然勝畫工

辰龍關

編修

鈕汝騏稼仙烏程

飛將急前鋒危關實要衝虛聲經亥豕間道出辰龍六
□驚天降羣蠻掃地從 皇威清萬里徼外樂耕農

過清浪遙拜伏波祠

兵備道

紀虛中文牧安

壯志空千古英雄自不羣
鬢眉留雅度談論憶清芬
畫壁蝕蠻雨靈旗捲瘴雲
險灘難泊艇遙拜仰殊勲

鳳凰廳道署夜雪咏懷

紀虛中

冰雪官衙冷千山響竹濤
苗風尚巫卜邊俗競弓刀
闌出須防險攻心戒勿騷
時清烽火靜未敢賦賢勞

辛女崑下灘

紀虛中

殷雷何地起水石自相撞
浪淺疑來雨崑飛欲過江
仙舟懸峭壁帝女倚雲窻
奇絕堪欣賞遲回控小舡

發辰谿

紀虛中

辰州府志

卷四十七

藝文纂詩

四十三

買棹辰谿去征途趁晚曛
懸巖低壓艇急浪動搖雲
天西誰藏卷壺頭此駐軍
南征留短笛淒切不堪聞

伏波廟

溆浦令

陶金諧適齋南城

雲臺銷姓字蠻府見威儀
何意真人起翻收上將旗饑
鳶終古墮飛鳳至今悲
太息荒江上梁松亦有祠梁公廟在

武陵

和楊雍度山長題盧峰書院韻

陶金諧

地據林泉勝茆齋枕曲隈
雪殘山皺出岸轉水波迴
正適文明代將收杞梓材
河汾新著錄早信楚多才

月夜遊文蔚山用雍度韻

陶金諧

不謂中天月能令舊眼新雙流浮素練一氣俯蒼旻山
色宜良夜春風似故人谷靈如有意未必羨蒲輪

大雪過龍潭

陶金諧

雪色散墟落溪流清可憐天低重嶂外路斷小橋前孤
鴈捎寒影饑烏就午烟候門煩父老情話故殷然

題盧峰書院兼呈適齋明府

楊鴻觀雍度
金匱

淑水流昏曉盧山亘古今攬茲山水勝識彼知仁心用
汲尋修綆乘時惜寸陰百年逢化日努力在儒林

文蔚山春望

楊鴻觀

陽律乘時令郊原入望新嶺明山戴雪林暗柳矜春歔

辰州府志

卷四十七

藝文纂
詩

四十四

蝶依芳草遊魚聚綠蘋丹鉛多暇日吟賞趁良辰

盧峰書院夏日卽事

楊鴻觀

琳館遺塵事溪山得幾重小橋連廓路斷岫補雲峰沙
淺灘聲壯村陰樹影濃晚涼微度處隔岸動疎鐘

盧峰書院和楊雍度山長原韻

舉人
周方炯
介夫
南城

瀟洒談經室委蛇退食堂秋清兩地色花散一簾芳載
酒苔岑合留題翰墨香金門他日詔應拜禹言昌

抵瀘溪

瀘溪
教諭
費應泰
東領
巴陵

耳熟瀘溪縣到來烟水深女牆低古道野寺枕荒岑白
鴈蒼涼候黃花淡泊心數椽結構穩髣髴入山林

沅陵道中

費應泰

竟日篙師苦灘高路轉長流□□□水峰遠入辰陽十
月霜將隕羣山樹半蒼呼童重煮茗嶺外月初黃

過虎谿王陽明書院

沅陵教諭龔自舒陶菴利

先生留古道後學重明禋祠廟千秋在羹牆一夢親當
年悲絕調此日喜傳薪頻想吟遊處高風儼在辰

溆浦景星觀

溆浦令石文成曉堂

招提暑不到水石此中佳馬滑新晴路人攀欲墮崖松
風清入戶竹影亂侵階坐久微鐘動山僧供午齋

辰州贈曹泉湖廣文

石文成

辰州府志

卷四十七

藝文纂

四十五

賈誼謫長沙休嗟去國賒儒官翻履險異域竟成家乍
見情如舊多虞鬢已華較優勾漏令萬里覓丹砂
家世崇儒術羣欽著作才暮年成斷梗往事化寒灰長
抱鵲鵠□空聞杜宇哀衡陽有歸雁望遠一登臺

辰谿縣訪李西泂明府

石文成

城郭全臨水人家半在山放衙丹嶂外判牘白雲間嶺
樹桑麻少蹊田稼穡艱藏書在大西絕磴可能攀

題辰州郡署東閣

國學席紹淦少峴

倚閣凌虛起窻間四遠收翠屏圍嶺色素練拭江流春
日花扶檻秋宵月□樓全州皆在望一眺谿吟眸

虎谿書院

席紹淦

一塢深藏院陽明舊講堂虛窻松拂几殘碣蘚侵牆西
洞窺書富辰溪接脈長名山聞白鹿此處共流芳

乾州道中

乾州教諭

陳孜醇

精齋武陵

峭壁多於樹深溪曲似蛇舟行欲盡處又見一峰斜秀
色春前減晴光雪後加依巖無聚落終日兩三家

無溪書院晚眺

陳孜醇

高館吟聲靜清風引興徐山將人比瘦心與谷同虛野
燒寒雲缺村春石照疎前林應更好暝色襲衣裾

遊丹山寺

陳孜醇

辰州府志

卷四十七

藝文纂詩

四十六

寺出翠微間懸崖喜共攀門藏千載石窻鎖一房山洗
鉢觀魚躍探松見鶴還同人三五輩消得片時閒

界亭春日郊行

沅陵丞

林元烱

初畫瑞安

到處秧針綠清和雨乍晴勸農勤穡事課士訪知名隴
畝迎田峻書堂接友生四圍山色翠流覽暢餘情

關口溪春眺

林元烱

桃李芳菲節我來關口溪一村分上下兩縣界東西種
樹茶爲圃護田柳作堤此鄉衣食足春雨課耕犁

小酉洞

林元烱

□問藏書處西山在郡西荒烟迷古洞流水滿清溪不

見神仙蹟空聞鳥鵲啼晴川看歷歷芳草綠淒淒

鎮筵雜詠

拔貢 楊瑞 龍觀班

始信巖門險行行路折盤□疑天欲盡恰值雨初闌馬
脚穿雲入峰尖□礪寒木須□幽仄轉覺置身寬
萬古垂楊樹依依傍馬過蕭條無歲月愁絕此巖阿亦
有瑯琊夢誰來珠絡歌憐他春信斷無計重摩挲
崑磴初嘗險逢人問石羊萬山疎落木一逕出窮荒羸
僕扶殘醉寒燈照薄裝無端幽興發極目總蒼蒼
傳道蘭花峻屣屨路可通四時雲氣幻萬樹雨聲空肯
信龍吟水如聞虎嘯風明晨登絕頂一笑俯蒼穹

辰州府志

卷四十七

藝文纂

四十七

望見奇峰寺蕭然眼倍明環山羣木秀繞石一溪清積
雪明殘樹疎鐘落短檠妙香誰拾得亦欲慰平生
始入東門路臨河好石橋夕陽人影澹畫角晚風飄
匝山如洗谿笏霧不消草堂何處闢吾意振簫韶

辰州府署東席宜民太守

謝鳴盛 非南豐

冰署山巔出憑臨萬戶低春桑垂紫椹夏麥映黃鸝
畫裏雲三徑農家雨一犁共看賢太守高咏武陵溪

西江泛月二首之一

謝鳴盛

寒宵得此月况復共名山奇跡終難秘仙靈去欲還烟
平江似紙峰轉水如環一夜深談處超然秦漢間

遊烏速山

謝鳴盛

橫枕江頭浪高吞西洞雲天能工繪事石詎秘奇文凹
凸連叢樹葱蒼繞夕曛攀花尋月下衣帶襲清芬

春日遊香爐山

貢生李湧鯨來瀘溪

偶然乘興往陟此爐峰巔林茂遮山徑崑高瞰澗泉晴
瀾浮翠巘春水漲平川迴步城闈近翻疑隔遠天

遊雲頭寨

李湧

城北尋幽寺高深一望收三山列翠嶂兩水繞清流野
竹鳴天籟寒松護石頭中林烟火起歸興轉夸猶

登映江閣

貢生張維幹□陵生

辰州府志

卷四十七

藝文纂詩

四十八

最愛龍泉寺懸崖結小樓四圍山亂簇兩岸景偏幽老
樹籐盤古空天月欲秋映江閣上望嘯傲足優游

過鳳灘

張維幹

渺渺渾無際悠悠遠接天奇峰攢古岸峭壁瀉寒泉浪
捲風波驟帆欹水石連招招舟子懼危竦亦茫然

望明月峰

知縣余模範九陵

挂席桃源路孤峰出衆山虹橋通澗外鳥道繞雲間法
靜魚龍臥機忘猿鳥間月明鹿不到何日共君攀

秋行酉溪

余模

碧天雲洗淨潭水鏡同明苻藻浮殘綠游魚漾晚晴山

容秋後□蟬語暮來清逸興悠然遠還深萬古情

春步辰山

余模

久逐風塵客初還景物新老農耕嫩綠衆鳥喚重茵未
歷他鄉苦安知故國春晚來牛背笛偏愛遠歸人

舟行望明月山二首

貢生 劉紹濂 鄆渠
溆浦

招提誰選勝兀立此嵯峨已覺離人遠應知得月多波
搖天半竹霧鎖石中蘿劇喜青空處乘虹冉冉過

遊臥虎洞

庠生 康健 沅陵

古洞臨懸壁攀蘿事勝遊屐從花裏過影在翠中浮石
敞開丹窟瀑飛屑玉流綠苔堪寄榻清極小瀛洲

辰州府志

卷四十七

藝文纂
詩

四十九

遊龜山寺

貢生 舒才博 遜浦
文

閒來無底事結伴訪浮屠寺廢留鐘在巖寒任木枯餘
霞暉絕壁落日照平蕪緬想題詩處 先祖慎齋公
曾題詩於此 登高

試一呼

同諸友遊小西洞

庠生 劉應禮 渠東
沅陵

峭壁枕深淵登高見洞天我來尋古調誰與話真仙碧
嶺生嵐氣青峰集暮烟箇中人不見歸去夕陽偏

遊龍泉山

劉應禮

香刹臨江岸寺門雲半封龍高藏古洞泉潔落仙踪種
□橫朝霧行舟帶晚鐘憑欄遙望處日出上青松

長樂橋

庠生 向建官 隸浦

長橋無病涉過客往來通虹影蒼波外灘聲翠藹中常
懷題柱客爲念濟川功履視瞻周道嬉遊樂未窮

登小酉洞

庠生 韓俊 慕愚

西山留勝蹟今喜共登臨徑曲行踪杳崖懸宿霧深攀
蘿尋秘帙躡足訪元音彷彿遊仙府歸舟日欲沉

九日登鳳凰山

庠生 邵永成 九韶

九日登高望羣峰列遠天江城羅畫閣山月擁晴川古
寺誇良會深樽憶昔賢無端風落帽何事至今傳

小酉山泛月

拔貢 劉鳳 蔚

辰州府忘

卷四十七 藝文纂

五十

探古尋書洞寒江結伴遊隔村楓滿樹入夜氣□州月
白雙篷冷風清一曲幽明晨臨絕巘奇宇待誰搜

蔣村

劉豹

不向洞中住繞溪別有村衣冠留古俗風景似桃源小
犬嗥花圃寒□入斷垣何能塵念息長此臥朝暾

秋日懷雪峰

釋達明 曉山林

幾回懷舊處遙望隔天涯寄跡原無住安身更是家情
從別後想愁向眼前加落木隨空下蕭蕭感物華

夏日同友登鳳凰山

釋通一 悅可

□暑來山晚登臨月漸明風平天籟寂水靜笛聲清喜

入維摩室高參惠遠盟良宵一夜話千載紀斯情

暮春喜遲公子登映江閣

釋通一

曉禽啼破夢簾幙起風清笑接青雲士遙尋白社盟履
坵溪霧濕茶煮竹烟生更憶匡廬事空慚惠遠名

辰州府志藝文纂第八終

辰州府志

卷四十七

藝文纂
詩

五十一